

GOBIERNO VENEZOLANO CU AYUDO INMENSO NA DELEGACION ARUBANO



ORANJESTAD (AAN): Ministro Glenbert Croes na su yegada na Venezuela a cuminza traha mesora riba e logistica necesario pa asina recupera, prepara, y transporta e cadavernan pa Aruba. Gobierno di Estado Falcon, specialmente bao encargo di Gobernador Jose Curiel, a duna autoridadnan di Aruba

tur ayudo posible na nan yegada na Aeropuerto Camejo na Punto Fijo. Un delegacion bao direccion di Ministro Glenbert Croes mesora a ser informa door di autoridadnan Venezolano di loke a pasa cu e Cessna 402 matricula P4-AVE di Avia Air cu 8 persona abordo.

Ministro Croes mesora a cuminza traha riba e logistica y organizacion pa asina percura pa ricibi e restonan mortal na Aeropuerto.

Den un declaracion, e Ministro di Trafico y Comunicacion a indica cu asina nan a yega Venezuela, nan a bin na un acuerdo cu autoridadnan

Venezolano cu un investigacion conhunto ta worde haci entre e dos instancianan, esta PTJ di Venezuela y TOD di Aruba, Departamento di Aviacion Civil, y Procurador General. Nan a worde manda cu Helicopter door di Gobierno di Aruba pa e sitio di siniestro na Venezuela.

Gobernador Jose Curiel a pone na disposicion di e delegacion Arubano tambe un Helicopter Militar Venezolano.

Gobierno Venezolano hunto cu Ministro Glenbert Croes ta coordinando tur e trabonan di rescate, investigacion, y transportacion di e cadavernan.

Un "Sky-Van" a ser haci disponible tambe door di Forza Aereo Venezolano pa asina yuda transporta e victimanan pa Aruba.

Sin duda alguno, Gobierno di Aruba ta sumamente agradecido na Venezuela pa e ayudo cu nan a ricibi den un rato di ora den un momento asina dificil.

Ministro Croes a indica cu e ta keda Venezuela te ora cu e ultimo cadaver bandona Punto Fijo.

TRUNKED-RADIO DI ARUBA A FUNCIONA TE NA VENEZUELA

ORANJESTAD (AAN): E sistema di "Trunked Radio" cu Aruba ta dispone di dje for di 1989 a demostra di ta vale la pena su inversion.

E sistema di Trunked-Radio ta carga tur comunicacion na Aruba pa Polis, Ambulans, Bombero, Aeropuerto, Douane, y Prison di KIA.

E ta traha segun un sistema di repeater cu tin su sede riba sero di Jamanota. Como cu e ta na e parti mas halto di e isla, su alcance ta mas grandi.

Ayera ora cu e avioneta di Avia Air a cay na Punto Fijo, varios funcionario di Aeropuerto a acudi na Venezuela cu nan trunked-radio. For di e sitio di tragedia nan tabata comunica facilmente cu Aruba.

Naturalmente no ta tur caminda e situacion di tereno ta mescos, pero generalmente el a funciona te for di Venezuela.

Ayeratardi hasta Prome Ministro mr. Henny Eman tabata comunica via Trunked Radio di Aruba cu Ministro Glenbert Croes kende tabata na Punto Fijo e momento ey.

WYNDHAM ARUBA
BEACH RESORT & CASINO

CASABLANCA Casino



CU SU SPECIAL DI HIMNO Y BANDERA

Di Dialuna 11 Maart te cu Diasabra 30 Maart cada cliente cu bishita Casablanca Casino y cumpra \$10 den coins lo ricibi un ticket pa participa den nos

**SORTEO SPECIAL DI MAART DI
5000 florin**



Feliz ganadornan di Slot Tournament den compania di Zepp Wouters.

Ariba e dianan menciona nos lo tin tambe nos acostumbrado
"DOUBLE PAYOUT"

ariba nos Slot Machines y e
**FABULOSO SLOT
TOURNAMENT!**

Inscripcion \$5 \$250 na premios

Ariba 18 di Maart e promer 50 clientenan cu drenta despues di 5'or lo ricibi un obsequio y \$5 na quarters.



Feliz ganador di Sweepstake ricibiendo su premio for di Zepp Wouters.

Sorteo lo tuma lugar:
Diasabra 16 Maart 9'or anochi
Domingo 17 Maart 7'or anochi
Dialuna 18 Maart 7'or anochi
Diasabra 23 Maart 9'or anochi
Diasabra 30 Maart 9'or anochi

Bin purba bo suerte y join e lista grandi di ganadornan di tur siman. Disfruta bailando ariba musica di nos tremendo band.



Feliz ganador di Sweepstake ricibiendo su premio for di Janchi Croes.

Ganadornan di 9 di Maart